

**Ed.**

## **669. Nefndarálit**

um frv. til 1. um opinbera aðstoð við byggingu íbúðarhúsa í kaupstöðum og kaup-túnum.

Frá heilbrigðis- og félagsmálanefnd.

Frumvarp þetta bar nefndin fram fyrir þinghlé að beiðni félagsmálaráðherra, en nefndarmenn létu þess þá jafnframt getið, að þeir hefðu óbundnar hendur um einstök atriði þessi

Nefndin hefur rætt frv. og athugað það á mörgum fundum. Einstakir nefndarmenn (BBen og StgrA) lögðu fram veigamiklar breytingartillögur við frv., og hefur nefndin tekið nokkrar þeirra upp í tillögur sínar, en báðir munu þeir bera fram breytingartillögur í deildinni. Enn fremur bárust nefndinni breytingartillögur við frv. frá stjórnunum 9 byggingarsamvinnufélaga hér í bænum. Einn nefndarmanna (HermJ) óskar þess, að frv. á þskj. 71 (um byggingarlánasjóð) yrði lagt til grundvallar við umræður og afgreiðslu málsins, en félst þó á að taka þátt í afgreiðslu nefndarinnar á þessu frv.

Nefndin hefur samþykkt allmargar breytingartillögur við frv., en einstakir nefndarmenn hafa þó óbundnar hendur um nokkrar þeirra og áskilja sér rétt til að bera fram breytingartillögur eða fylgja breytingartillögum, er fram kunna að koma.

Einn nefndarmanna (HermJ) mun bera fram sérstakar breytingartillögur í deildinni og lætur þess getið, að fylgi hans við frv. geti oltið á því, hverja afgreiðslu þær fá. Hinir fjórir nefndarmennirnir mæla með því, að frv. verði samþykkt með breytingum þeim, er á þskj. 670 greinir.

Alþingi, 31. mars 1946.

H. Guðmundsson,  
form., frsm.

Bjarni Benediktsson.

Lárus Jóhannesson,  
fundaskrifari.

Steingr. Aðalsteinsson.

Hermann Jónasson,  
með fyrirvara.